

Պրովետարներ բոլոր երկրների, միացե՛ք

ՀԿ(Բ)Պ ԿԵՆՏԿՈՄԻ
ՊՐՈՊԱԳԱՆԴԱՑԻ ԵՎ
ԱԳԻՏԱՑԻԱՑԻ ԲԱԺԻՆ

36-42

Ագիտացիոն
ԲԼՈԿՆՈՏ

№ 17

1948

«ՍՈՎԵՏԱԿԱՆ ՀԱՅԱՍՏԱՆ»-Ի ՀՐԱՏԱՐԱԿԶՈՒԹՅՈՒՆ

ԲՈՎԱՆԴԱԿՈՒԹՅՈՒՆ

ՄԵԾ ՍՏԱԼԻՆԻՆ ՏՎԱԾ ԽՈՍՏՈՒՄԸ ԿԱՏԱՐԵԼՈՒ ՀԱՄԱՐ	էջ 1
Ա. ՀԱՐՈՒԹՅՈՒՆՅԱՆ.— Մարտական ագիտացիա հանուն ստանձնած պարտավորությունների կատարման	19
Ելուքի գրույցների համար	
Ն. ԿՈՐՈՒԵՎ.— Տանկիստների Օրը	21
ՍՏԱՆԿԻՍՏՆԵՐԻ ՕՐԸ՝ զրույցների պլան	35
Ա. ԽՈՍՐՈՆԻ.— Ստալինյան մրցանակի լաուրեատները	37
Միջազգային թեմաների շուրջը	
Ս. ԲԵՐԲԵՐՅԱՆ.— Դանուբի նավագնացության ռեժիմի նոր կոնվենցիան	43

Խմբագրության հասցեն.— Երևան, Նալբանդյան 32, 24(բ)Պ Կենտկոմի Պրոպագանդայի և Ագիտացիայի բաժին, Բեռլինսու՝ 33—56:

ՄԵԾ ՍՏԱԼԻՆԻՆ ՏՎԱԾ ԽՈՍՏՈՒՄԸ ԿԱՏԱՐԵԼՈՒ ՀԱՄԱՐ

Մեր երկրի կոլխոզային գյուղացիությունը բուլձեկիների պարտիայի ղեկավարությամբ անշեղորեն կենսագործելով մեծ Ստալինի ցուցումները, տարեց-տարի վիթխարի նվաճումներ է ձեռք բերում սոցիալիստական գյուղատնտեսության զարգացման գործում:

Բուլձեկյան մամուլը ամեն օր բերկրալի լուրեր է հաղորդում մեր մեծ Հայրենիքի անծայրածիր դաշտերից: Կոլխոզային գյուղացիության անձնվիր աշխատանքը հաղթանակի փառքով է պսակվում: Կոլխոզային դաշտերում աճեցվեց առատ բերք: Սոցիալիստական գյուղի աշխատավորները հպարտության վեհ զգացումով են զեկուցում սիրելի առաջնորդին ստանձնած պարտավորությունների կատարման մասին:

Բերքահավաքի հաջող ընթացքի, հացամթերումների բարձր տեմպի մեջ մենք նորից ու նորից տեսնում ենք կոլխոզային կարգե-



րի հզորութիւնը, կոլխոզային գյուղացիութեան ստեղծագործական ակտիւութիւնը և քաղաքական հասունութիւնը, սոցիալիստական մրցութեան մեծագույն և կենսարար ուժը:

Օրերս «Պրավդան» տպագրեց Ուկրաինական ՍՍՌ-ի ռապորտն ընկեր Ստալինին: Ռապորտում ասված է. «Ուրախ ենք զեկուցելու Ձեզ, թանկագին Իոսիֆ Վիսսարիոնովիչ, որ Ուկրաինական ՍՍՌ-ի կոլխոզները, սովխոզները, գյուղացիական տնտեսութիւնները 1948 թվի սեպտեմբերի 3-ին, ժամկետից շուտ, մեկ ամիս և յոթ օր առաջ, քան անցյալ տարի, կատարեցին հացամթերումների պետական պլանը:

Պետութեանը հանձնված է 115 միլիոն փութ հացահատիկ ավելի, քան 1947 թվին և 33 միլիոն փութ ավելի, քան նախապատերազմյան 1940 թվին...

Ուկրաինայի կոլխոզները, սովխոզները, գյուղացիական տնտեսութիւնները պարտավորութիւն են ստանձնել պլանից դուրս հանձնել առնվազն 31 միլիոն 600 հազար փութ հացահատիկ»:

Ժամկետից շուտ շուտ իրենց պարտավորութիւնները կատարեցին Ղրիմի մարզի կոլխոզները և սովխոզները, որոնք այս տա-

— 2 —

րի 11 միլիոն փութ հացահատիկ ավելի հանձնեցին, քան 1947 թվին: Չբավարարվելով դրանով, Ղրիմի մարզի կոլխոզներն ու սովխոզները պարտավորվեցին պետութեանը լրացուցիչ հանձնել ոչ պակաս մեկ ու կես միլիոն փութ հացահատիկ:

Ժամկետից շուտ, սեպտեմբերի 2-ին, հացամթերման պլանը կատարեց նաև մեր ռեսպուբլիկան: Հայաստանի կոլխոզային գյուղացիութիւնը և գյուղատնտեսութեան բնագավառի աշխատավորները պատվով կատարեցին ընկեր Ստալինին տված խոստումը:

Սովետական բազմամիլիոն ժողովուրդը մեծ գոհունակությամբ է ընդունում Ուկրաինայի, Բելոռուսիայի, Ղրիմի, Կուբանի, Դոնի, Ստաւրոպոլի, Հայկական ՍՍՌ-ի և մյուս ռեսպուբլիկաների ու մարզերի գյուղատնտեսութեան աշխատավորների հաղթանակների լուրերը: Մեր հայրենասեր ժողովուրդը այդ աշխատանքային պանծալի հաղթանակի մեջ տեսնում է Սովետական Հայրենիքի, Լենինի-Ստալինի պարտիայի, ժողովուրդների մեծ առաջնորդ և ուսուցիչ ընկեր Ստալինի նկատմամբ սոցիալիստական գյուղի աշխատավորների անհուն նվիրվածութեան ևս մի վառ վկայութիւն:

— 3 —

«Հացամթերումների պլանի կատարումը,— դա գյուղատնտեսության զարգացման մեջ արդեն ձեռք բերված հաջողությունների հանրագումարն է: Բայց դա միաժամանակ նոր հաջողությունների պայքարի սկիզբն է: Մեզ սպասում են անհետաձգելի շատ գործեր: Պետք է պայքար մղել պլանից դուրս հացահատիկ հանձնելու պարտավորությունները կատարելու համար: Պետք է պայքար մղել գյուղատնտեսական ամբողջ տարին հաջողությամբ ավարտելու համար» («Պրավդա»):

Հայկական ՍՍՌ կոլխոզնիկները, կոլխոզնիկուհիները, սովխոզների, ՄՏ կայանների աշխատավորները և գյուղատնտեսության մասնագետները ընկեր Ստալինին գրած նամակում վճռական խոսք տվին մեծ առաջնորդին՝ 1948 թվին ավարտելու ժողովրդական տնտեսության հնգամյա պլանով նախատեսված տեխնիկական կուլտուրաների ցանքատարածության ընդլայնումը և այս բնագավառում ևս հասնել բերքատվության բարձր ցուցանիշների: Բազմաթիվ առաջավոր կոլխոզներ, հարյուրավոր բրիգադաներ և օղակներ պարտավորվեցին յուրաքանչյուր հեկտարից միջին հաշվով հավաքել 300—510 փութ բամբակի հումք, 100—150 փութ

— 4 —

ծխախոտ, 3.000—4.200 փութ շաքարի ճակնդեղ, 160—200 ցենտներ խաղող և այլն:

Ռեսպուբլիկայի բամբակագործները, ճակնդեղագործները և ծխախոտագործները առաջնորդին տված խոստումը պատվով կատարելու համար իրենց քրտնաջան աշխատանքով աճեցրել են տեխնիկական կուլտուրաների առատ բերք: Այժմ նրանք թևակոխել են բարձր բերքի համար մղվող պայքարի ամենապատասխանատու շրջանը՝ տեխնիկական կուլտուրաների բերքահավաքի շրջանը: Բամբակացան շրջաններն արդեն մոտ հազար տոննա բամբակ են հանձնել ոլետությանը: Մինչև սեպտեմբերի 5-ը ծխախոտի բերքահավաքի տղանը կատարվել է մոտ 40 տոկոսով, օրերս կսկսվի նաև շաքարի ճակնդեղի բերքահավաքը:

Տեխնիկական կուլտուրաների բերքահավաքի գործում Արտաշատի, Կոտայքի, Ղափանի, Միկոյանի շատ կոլխոզներ աշխատանքի կազմակերպվածության խրախուսելի օրինակներ են տալիս: Արտաշատի շրջանի Նորաշենի կոլխոզի պարտկազմակերպության նախաձեռնությամբ, անցյալ տարվա փորձի հիման վրա, կոլխոզներում ծավալվել

— 5 —

է օրական երկու հարյուր կիլոգրամ բամբակ հավաքողների սքանչելի շարժումը:

Այդ շարժումը լայն արձագանք է գտել նաև ռեսպուբլիկայի մյուս բամբակացան շրջաններում: Էջմիածնի շրջանի ներքին Զեյլա գյուղի կոլխոզի բարձր բերքի օղակավարուհի Ս. Արշակյանը բամբակի պլանտացիաներում աճեցրել է առատ բերք: Այժմ նա ձեռնամուխ է եղել այդ բերքի հավաքմանը և օրական չանաքում է 260 կիլոգրամ բամբակ, կատարելով 6,5 արտադրական նորմա:

Տեխնիկական կուլտուրաների բերքահավաքի այս վճռական ու պատասխանատու շրջանում մեծ է մեր գյուղական ագիտատորի անելիքները, նրա դերը: Ժամանակին — առանց ձգձգումների սկսել տեխնիկական կուլտուրաների բերքահավաքը, կատարել այն կարճ ժամկետում և առանց կորստի, բարձր կազմակերպվածությամբ պետությանը հանձնել բարձրորակ բամբակ, ծխախոտ, խաղող, ձախնդեղ և գյուղատնտեսական այլ մթերքներ — այդ նշանակում է մինչև վերջ և պատվով կատարել առաջնորդին տված խոստումը:

Գյուղական ագիտատորի մարտական խնդիրն է լայնորեն օգտագործել հացահա-

— 6 —

տիկի բերքահավաքի ու պետական պարտավորությունների կատարման դրական փորձը: Ագիտատորը անձնական օրինակով և բոլշևիկյան կենդանի, կրակոտ ու համոզիչ խոսքով պետք է բորբոքի գյուղատնտեսության բնագավառի յուրաքանչյուր աշխատավորի, ոտքի հանի և ամբողջապես օգտագործի նրանց ուժն ու եռանդը տեխնիկական կուլտուրաների բերքահավաքը բարձր որակով, բոլշևիկյան կազմակերպվածությամբ կատարելու, պետական պարտավորությունները ժամկետից շուտ կատարելու և գերակատարելու համար:

Տեխնիկական կուլտուրաների բերքահավաքի և պետական պարտավորությունների կատարման այս եռուն շրջանում պետք է ավելի ևս լայնորեն ծավալել սոցիալիստական մրցությունը բրիգադաների, օղակների և առանձին կոլխոզնիկների միջև: Մրցության արդյունքները պետք է արտացոլել ցուցադրական տախտակներում, պատի թերթերում, «կալծակներում»: Ագիտատորները իրենց զրույցների ժամանակ պետք է տարածեն առաջավոր կոլխոզնիկների, բրիգադաների, օղակների փորձը և միևնույն ժամանակ վճռականապես մերկացնեն լողրերին,

որոնք չեն ցանկանում ազնվորեն աշխատել
կոլխոզում:

Ողջ աշխատանքը բերքահավաքի ժամա-
նակ պետք է կատարել բարձր տեմպերով,
չկորցնելով և ոչ մի օր: Ոչ մի դեպքում
չպետք է մոռանալ կատարվող աշխատանքի
որակը, կորուստների կանխումը: Բամբակի,
ծխախոտի, խաղողի, ճակնդեղի յուրաքան-
չյուր կիլոգրամը պետության համար մեծ
արժեք է ներկայացնում, ավելանում է
մթերքների պաշարը ազգաբնակչության հա-
մար և հումքինը՝ արդյունաբերության հա-
մար:

Սովետական կառավարության Հրամանա-
գրերը կոլխոզնիկների, ՄՏ կայանների,
սովխոզների աշխատողներին բարձր բերք
ստանալու համար Սոցիալիստական Աշխա-
տանքի Հերոսի կոչում շնորհելու և շքա-
նշաններով ու մեդալներով պարգևատրելու
մասին, հսկայական դեր կատարեցին գյու-
ղատնտեսության հետպատերազմյան վե-
րելքի համար մղվող պայքարում:

Ագիտատորների խնդիրն է ՍՍՌՄ Գերա-
պույն Սովետի Նախագահության Հրամանա-
գրերը հասցնել յուրաքանչյուր կոլխոզնիկի
գիտակցությանը, պատմել նրանց այն հսկա-
յական հոգատարության մասին, որ ցուցա-

— 8 —

բերում են մեր պարտիան և սովետական
իշխանությունը կոլխոզային կարգերի ամ-
րացման համար:

Բերքահավաքի ժամանակին և բարձր-
րակ կատարումը և գյուղատնտեսական
մթերքների պետական պարտավորություննե-
րի ժամկետից շուտ կատարումը ղեկավարի-
կայի կոլխոզների առաջնահերթ խնդիրն է:

Գործի դնենք մեր ողջ ուժերը գյուղատն-
տեսական տարին օրինակելիորեն փակելու,
պատվով կատարելու ընկեր Ստալինի տված
մեր խոստումը ու դրանով իսկ նպաստելու
հետպատերազմյան Ստալինյան հնգամյակը
շորս տարում կատարելու մեծ գործին:

ՄԱՐՏԱԿԱՆ ԱԳԻՏԱՅԻԱ ՀԱՆՈՒՆ ՍՏԱՆՁՆԱԾ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ

Բոլշևիկյան պարտիայի հիմնադիրներ Վ. Ի. Լենինը և Ի. Վ. Ստալինը միշտ էլ բացառիկ նշանակություն են տվել քաղաքական ազիտացիային: Աշխատավորական լայն մասսաների կոմունիստական դաստիարակության կարևորագույն միջոցներից մեկը հանդիսանում է բոլշևիկյան պարտիայի քաղաքական ազիտացիան: Քաղաքական ազիտացիայի մարտական խնդիրը կայանում է նրանում, որպեսզի մեր պարտիայի իմաստուն քաղաքականությունը, այն հոյակապ խնդիրները, որոնք դրվում են մեր հայրենիքի առջև, հասցվեն աշխատավորական ամենալայն խավերի խորը գիտակցությանը և նրանց մոբիլիզացնեն հանուն այդ խնդիրների կատարման:

Լենինի-Ստալինի մեծ պարտիայի գաղափարները աշխատավորական լայն զանգ-

— 10 —

վածներին հասցնելու, նրանց դաստիարակելու համար բացառիկ են ազիտատորների դերը և անելիքները: Վ. Ի. Լենինը պահանջում էր այնպիսի ազիտատորներ, որոնք քաղաքականապես պատրաստված են և ի վիճակի են պարզ ու հասարակ լեզվով մասսային պարզաբանել պարտիայի քաղաքականությունը և բանվորներին հետաքրքրող հարցերը:

Ի. Վ. Ստալինը սովորեցնում է, որ անհրաժեշտ է քաղաքական և տնտեսական աշխատանքները բոլշևիկորեն զուգակցել միմյանց հետ: «Մենք չենք կարող,— ասում է ընկեր Ստալինը,— հեռանալ տնտեսությունից, ինչպես որ չենք կարող հեռանալ քաղաքականությունից... Եվ նա, ով մտածում է մեր գործնական աշխատանքում տնտեսությունը անջատել քաղաքականությունից, տնտեսական աշխատանքը ուժեղացնել քաղաքական աշխատանքի նվազեցման գնով, կամ, ընդհակառակը, քաղաքական աշխատանքն ուժեղացնել տնտեսական աշխատանքի նվազեցման գնով,— նա անպայման փակուղու մեջ կընկնի»:

Լենինական քաղաքի սկզբնական պարտիական կազմակերպությունները, իրենց աշխատանքի հիմքում դնելով ընկեր

Ստալինի ցուցումները, հասան այն բանին, որ լրջորեն սկսեցին բարելավել մասսայական-քաղաքական աշխատանքը աշխատավորության մեջ:

Պարտիական սկզբանական կազմակերպությունները քաղաքական ազիտացիան ամենասերտ կերպով կապում են այսօրվա մեր պրակտիկ խնդիրների հետ: Այսպես օրինակ, — Լենինական քաղաքի արդյունաբերական ձեռնարկությունների ու տրանսպորտի բանվորները, բանվորուհիները, ինժեներները, տեխնիկներն ու ծառայողները, դիմեցին Սովետական Հայաստանի արդյունաբերության ու տրանսպորտի աշխատողներին ծավալելու սոցիալիստական մրցությունը, արպեսդի հետպատերազմյան ստալինյան հնգամյակի երրորդ վճռական տարվա պլանները կատարվեն մինչև Հոկտեմբերյան Սոցիալիստական Մեծ Ռևոլուցիայի 31-րդ տարեդարձի օրը՝ 1948 թվի նոյեմբերի 7-ը:

Լենինականի պարտիական կազմակերպությունները տեխնիկական - կազմակերպական միջոցառումների հետ միասին կոնկրետ կերպով նշել են աշխատավորական լայն մասսայի մեջ կատարվող քաղաքական ազիտացիայի խնդիրները, որոնք սերտ կեր-

— 12 —

պով կապված են ստանձնած պարտավորությունների հետ և խորապես նպաստում են նրանց ժամանակին և բարձր որակով կատարելու գործին:

Բուլշեիկյան պարտիայի և սովետական կառավարության քաղաքականությունը բանվորներին ու բանվորուհիներին, ինժեներներին ու տեխնիկներին պարզաբանելու հետ միասին, մեր ազիտատորները կոնկրետ կերպով ցույց են տալիս, թե այդ քաղաքականությունից անմիջապես բխող ինչպիսի խրնդիրներ են դրված քաղաքի աշխատավորության առջև: Տեքստիլ կոմբինատի Գործվածքային ֆաբրիկայի № 4 կորպուսի ազիտատոր րնկԱհրաշյան Կարապետը բանվորների հետ զրույցներ անցկացնելիս միշտ պարզաբանում է այն միտքը, որ հետպատերազմյան ստալինյան հնգամյակը շորս տարում կատարելու մեծ նպատակից ելնելով՝ Լենինականի բանվորները, բանվորուհիները, ինժեներները, տեխնիկներն ու ծառայողները պարտավորվել են ընթացիկ տարվա պլանը կատարել 1948 թվի նոյեմբերի 7-ին, բարելավել թողարկվող արտադրանքի որակը, աշխատանքի արտադրողականությունը պլանի համեմատությամբ բարձրացնել 10 տոկոսով և արտադրանքի ինքնարժեքը պլանից դուրս

իջեցնել 3 տոկոսով: Վառելանյութի ծախսումը կրճատել 5 տոկոսով, էլեկտրաէներգիան 10 տոկոսով, պետական դատացիան իջեցնել 4-5 միլիոն ռուբլով:

Այս խնդիրները նա կապում է իրենց կորպուսի առանձին բանվորների ու բանվորուհիների սոցիալիստական մրցության պայմանագրերով վերցրած պարտավորությունների կատարման հետ: Այդ նպատակով ընկ. Մկրտչյանը իր զրույցի մեկ օրը նվիրեց կատարման ստուգման հարցի նշանակությանը: Սկսելով իր հերթական զրույցը ազիտատոր Մկրտչյանը ասաց, որ Վ. Ի. Լենինը մեծ նշանակություն է տվել կատարման ըստուգմանը: Վ. Ի. Լենինը ասել է. «Ստուգել մարդկանց և ստուգել գործի փաստացի կատարումը, դրանում, դարձյալ դրանում, այժմ միմիայն դրանում է ամբողջ աշխատանքի, ամբողջ քաղաքականության մեխը»:

Քաղաքական-մասսայական աշխատանքի հաջող կազմակերպումը տվեց իր կոնկրետ արդյունքները: Տարիներ շարունակ հետ մրնացող, պետական պլանները չկատարող Տեքստիլ կոմբինատը դուրս է եկել ծանր վիճակից և ընթացիկ տարվա ութ ամիսների պլանը կատարել է 103,9 տոկոսով: Վ. Մ. Մոլոտովի անվան Մանարան ֆաբրիկան

— 14 —

անցած ութը ամիսների պլանը կատարեց 122,5 տոկոսով: Այս ֆաբրիկայի մի շարք բանվորներ ու բանվորուհիներ արդեն կատարել են հետպատերազմյան հնգամյա պլանը և աշխատում են 1951 թվի հաշվին, իսկ քաղաքում ավելի քան 120 բանվոր-բանվորուհիներ արդեն կատարել են իրենց հնգամյա պլանը:

Այսպես օրինակ Հայկական ՍՍՌ Գերագույն Սովետի դեպուտատ, Վ. Մ. Մոլոտովի անվան Մանարան ֆաբրիկայի բանվորուհի Անգին Արսենյանը սոցիալիստական մրցության մեջ մտնելով Կիրովաբադի Ս. Օրջոնիկիձեի անվան Տեքստիլ կոմբինատի մանարան ֆաբրիկայի բանվորուհի Ա. Իսաևայի հետ, հաղթող դուրս եկավ մրցությունից և ժամանակից շուտ կատարեց իր հնգամյա պլանը:

Առաջավոր բանվորների նվաճումները հանդիսացան քաղաքի ազիտատորների զրույցների նյութ: Պետք է նշել, որ հնգամյակը կատարած բանվորների աշխատանքի փորձին նվիրված զրույցները անցան չափազանց հետաքրքիր և տվեցին հսկայական արդյունք: Բավական է հիշատակել, որ Լենինական քաղաքի միութենական նշանակու-

թյուն ունեցող ձեռնարկությունները ութ
ամսվա պլանը կատարեցին 107,5 տոկոսով,
միութենական-ոչսպուբլիկական ֆաբրիկա-
ները և գործարանները 100,8 տոկոսով, տե-
ղական արդյունաբերական ձեռնարկություն-
ները 126,5 տոկոսով, երկաթուղային տը-
րանսպորտի օբեկտները բոլոր ցուցանիշների
գծով հաջողությամբ կատարեցին իրենց
ստանձնած պարտավորությունները:

Ինչպես ՀԿ(բ)Պ Լենինականի քաղաքային
կոմիտեն, այնպես և պարտիական սկզբնա-
կան կազմակերպությունները սխառեմատիկ
կերպով քննության են առնում քաղաքական
աշխատանքների միճակը, լսում են ագիտա-
տորների ղեկուցումները և կատարում փոր-
ձի փոխանակում: Քաղաքական ագիտա-
ցիան պարտիական կազմակերպությունների
գործունեության կարևորագույն զենքն է
դարձել, որը մեծապես նպաստում է մեր
քաղաքի զարգացման գործին:

Այժմ քաղաքում գործում են 157 ագիտ-
կուլեկտիվներ, որտեղ ընդգրկված են 1147
ագիտատորներ: Ագիտատորների հետ կա-
տարվող աշխատանքների ընթացքում պար-
տիական կազմակերպությունները հատուկ
ուշադրություն են դարձնում նորի զգացումի


— 16 —

և սկզբունքայնության զարգացման վրա:
Ինչպես հայտնի է, բարձր են գնահատվում
այն մարդիկ, որոնք ունեն նորի արտակարգ
զգացմունք: Նորի զգացումը բոլշևիկի թան-
կագին հատկանիշն է: Մերի զգացումը ա-
գիտատորին ուժ է տալիս ըմբռնելու աշխա-
տավորների ստեղծագործ աշխատանքի շը-
նորհիվ կուտակված հարուստ փորձը: Իսկ
ագիտատորը առաջավոր մարդկանց փորձը
փոխանակելու համար ամենից առաջ սերտ
կապ պետք է ունենա մասսայի հետ, ոչ
միայն պետք է սովորեցնի, այլ սովորի,
ունկնդրի մասսային:

Պարտիական սկզբնական կազմակերպու-
թյունները հատուկ ուշադրություն են դարձ-
նում մասսայի հետ սերտ կապ պահպանե-
լու, նրանց ունկնդրելու վրա:

Զրույցների ընթացքում աշխատավորա-
կան լայն զանգվածների մեջ պարտիայի և
կառավարության որոշումների մասսայակա-
նացման հետ միասին, ագիտատորները հաշ-
վի են առնում արտադրության առաջավոր
մարդկանց աշխատանքի փորձը, ունկնդրում
նրանց արժեքավոր առաջարկությունները:
Աշխատանքի այս մեթոդը Լենինականի
պարտիական սկզբնական կազմակերպու-
թյունները ընդօրինակել են հերոսական Լե-

— 17 —



նինգրադի պարտիական կազմակերպությունների աշխատանքի փորձից:

Տեքստիլ կոմբինատի Գործվածքային գործարանի պարտիական կազմակերպության բյուրոյի քարտուղար ընկ. Հ. Հարությունյանը սիստեմատիկ կերպով զբաղվում է ամեն մի ագիտատորի աշխատանքով և նրանց ցույց տալիս անհրաժեշտ օգնություն ու ղեկավարություն: Դրանով պետք է բացատրել ցուցադրական ագիտացիայի հաջող դրվածքը Գործվածքային գործարանում: Գործվածքային գործարանում ամեն մի մեքենայի վրա դրված է յուրաքանչյուր բանվորի ստանձնած պարտավորությունը, իսկ աշխատանքի վերջում ցույց է տրվում օրվա առաջադրանքի կատարման պատկերը: Ագիտացիոն աշխատանքի այս մեթոդը հետաքրքրություն է առաջ բերել բանվորների մեջ, բարձրացել է նրանց քաղաքական ակտիվությունը:

Մսի կոմբինատի ագիտատորների նախաձեռնությամբ ուտքի հանվեցին պաղպաղակի ցեխի բանվորները և կարողացան ապահովել ցեխի պլանների կատարումը:

Քաղաքական ագիտացիան դնելով պարտիական կազմակերպությունների ուշադրության կենտրոնում, այն օգտագործելով որ-

— 18 —

պես մասսաների կոմունիստական դաստիարակության հզոր զենքերից մեկը, կենսականի պարտիական կազմակերպությունը հասավ այն բանին, որ քաղաքի ֆաբրիկաներում, գործարաններում և ձեռնարկություններում եռում է ստեղծագործական աշխատանքը, իրական պայքարը հանուն տարեկան պլանի ժամկետից շուտ կատարման:

Սակայն սխալ կլինի կարծել, որ կենսականի բոլոր ձեռնարկություններում իր բարձրության վրա է դրված քաղաքական ագիտացիան:

Դեռևս ունենք մի շարք ֆաբրիկաներ ու գործարաններ (Շինարարական կոմբինատ, Փայտամշակման ֆաբրիկա և այլն), որտեղ պարտիական կազմակերպությունները չեն կարողացել անտեսական ու քաղաքական աշխատանքները միմյանց հետ զուգակցել, չեն բարելավել քաղաքական ագիտացիայի գործը, որի հետևանքով այդ ձեռնարկությունների բանվորներն ու բանվորուհիները սիստեմատիկ կերպով հնարավորություն չեն ունենում ծանոթանալ մեր կյանքի առօրյա խնդիրների հետ: Շատ հաճախ ագիտատորների զրույցները անցնում են անհետաքրքիր, չեն հասնում իրենց նպատակին: Այդ

բացատրվում է ամենից առաջ ագիտատորի անբավարար աշխատանքով և պարտիական կազմակերպության անբավարար ղեկավարությամբ: Ագիտատորի յուրաքանչյուր զբոսը պետք է լինի նպատակասլաց: Ագիտատորը նախապես պետք է պատրաստվի իր զբոսըին և իմանա թե ինչպիսի եզրակացությունների պիտի բերի իրեն լսողներին:

Մ. Ի. Կալինինը մասսայական աշխատանքների ասպարեզում աշխատող բոլշևիկներին խորհուրդ էր տալիս տիրապետել հետտորական արվեստին, իմանալ կենդանի ու հետաքրքիր զբուցելու ձևերը: Մ. Ի. Կալինինը սովորեցնում էր, որ մասսայական աշխատանքի ասպարեզում գործող բնիկներից առաջին հերթին պահանջվում է տիրապետել ղեկավարելու, զբույց սնցկացնելու, դասախոսություն կարդալու արվեստին:

Քաղաքական զբույցները և ղեկուցումները պետք է լինեն գրավիչ, պետք է հուզեն ունենդիրներին, նրանց մեջ առաջացնեն նոր հարցեր ու խոհեր, մոբիլիզացնեն աշխատավորներին ստանձնած պարտավորությունների անթերի կատարման համար:

Ա. ՀԱՐՈՒԹՅՈՒՆՅԱՆ

(ՀԿ(Բ)Պ Լենինականի Բաղկումի
Բարտուլար)

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ՏԱՆԿԻՍՏՆԵՐԻ ՕՐԸ

Ամեն տարի սեպտեմբերի երկրորդ կիրակի օրը, մեր երկիրը տոնում է Տանկիստների Օրը: Այդ տոնը սահմանվել է 1946 թվականին, Հայրենական Մեծ պատերազմում սովետական զրահատանկային և մեքենայացված զորքերի աչքի ընկնող մարտական ծառայությունները, ինչպես նաև ՍՍՌՄ Զինված Ուժերի ամրապնդման գործում տանկաշինարարների մատուցած ծառայությունները նշանավորելու համար:

Սովետական զրահատանկային և մեքենայացված զորքերի հաջողություններն ու հաղթանակները—դա սովետական ժողովրդի հաջողություններն ու հաղթանակներն են, մեր սոցիալիստական պետության տնտեսական ու ուղղմական հզորության ամրապնդման նկատմամբ բոլշևիկների պարտիայի ու ընկեր Ստալինի մշտական հողատարության հետևանքը:

Զրահատանկային և մեքենայացված զորքեր — զորքերի ամենաերիտասարդ տեսակն է։ Չնայած նրան, որ տանկն առաջին անգամ հնարվել է Ռուսաստանում, բայց ցարական բանակը պառնազինման համար տանկեր չունեւր։ Ռուսական ռազմա-տեխնիկական մտքի տաղանդավոր ներկայացուցիչները դեռևս առաջին համաշխարհային պատերազմից առաջ, հանդես են եկել զենքի նոր տեսակի մի շարք ինքնուրույն և խիզախ նախագծերով, այդ նոր զենքը հետագայում կոչվել է տանկ։ Տանկի առաջին նախագիծը առաջարկվել է ինժեներ Մենդելեևի — նշանավոր ռուս քիմիկոս Դ. Ի. Մենդելեևի տղայի կողմից։ Բայց այդ գյուտը, ինչպես նաև շատ ուրիշները, չի շահագործվել ցարական շինովնիկների բյուրոկրատիզմի, ռուս ժողովրդի ուժին չհավատալու, արտասահմանի նկատմամբ ստրկամտությոն ունենալու պատճառով։ Տանկաշինարարության ճանապարհին հսկայական խոչնդոտ է հանդիսացել նաև հին, ցարական Ռուսաստանի տրնտեսական հետամնացությունը։

Սովետական Բանակը պահանջվող քանակությամբ ժամանակակից տանկերով զինելու համար հարկավոր էր ունենալ սեփական մետալուրդիա, խոշոր մեքենաշինություն,

— 22 —

հեղուկ վառելանյութի մշակման ձեռնարկություններ։ Հարկավոր էր ունենալ նաև կոնստրուկտորների, ինժեներների, տեխնիկների կադրեր և տանկաշինարար բանվորներ։

Այդ խնդիրները հաջողությամբ լուծվեցին երկրի ինդուստրացման քաղաքականության շնորհիվ, որն իրագործեց բոլշևիկյան պարտիան ընկեր Ստալինի ղեկավարությամբ։ Ստալինյան պատմական հնգամյակների իրականացման շնորհիվ մեր երկիրը դարձավ հզոր ինդուստրիալ-կոլխոզային տերություն։ Մեզ մոտ ստեղծվեց առաջավոր տանկաշինության արդյունաբերություն ամուր նյութական բազայով, տանկաշինարարների սովորեցրած ու տաղանդավոր կադրերով։ Դա ապահովեց զրահատանկային ուժերի արագ ծավալումը։

Սովետական տանկաշինության զարգացումը ընթացել է ընկեր Ստալինի նշած ուղիով։ Ընկեր Ստալինի ղեկավարությամբ դաստիարակվեցին կոնստրուկտորների տաղանդավոր կադրեր, որոնք ստեղծեցին առաջնակարգ, աշխարհում լավագույն՝ «S.—34» և «ԿՎ» տանկեր։ Մեր կառավարությունը, պարտիան, ընկեր Ստալինը ցուցաբերել ու ցուցաբերում են մեծ հոգատարու-

թյուն տանկիստների կադրեր—մեքենաների շարքային վարողից մինչև բարձր որակյալ ռազմական մասնագետներ պատրաստելու գործին, կադրեր, որոնք ընդունակ լինեն կառավարելու տանկային զորամասերը մարտի դաշտում: Տանկային ուսումնարանների ցանցի կողքին, ընկեր Ստալինի նախաձեռնությամբ ստեղծվեց զրահատանկային և մեքենայացված զորքերի Ռազմական ակադեմիան—սպանների և գեներալների հիանալի կադրերի դարբնոցը:

Այսպիսով, Հայրենական Մեծ պատերազմի նախօրյակին Սովետական Զինված Ուժերն ունեին ամենալավ տանկերն աշխարհում և սովորեցրած տանկիստների ու տանկաշինարարների կադրեր:

Հարկավոր է, սակայն հաշվի առնել, որ ՍՍՌՄ-ի վրա իրենց ուխտադրում հարձակման պահին, հիտլերականներն ունեին մի քանի անգամ ավելի շատ տանկեր, քան մեր բանակը, որովհետև ֆաշիստական Գերմանիայի համար աշխատում էր ոչ միայն իր սեփական տանկային արդյունաբերությունը, այլև նրա կողմից օկուպացված Զեխոսլովակիայի, Բելգիայի, Հոլանդիայի ու Ֆրանսիայի արդյունաբերությունը:

Ընկեր Ստալինը սովետական ժողովրդին

— 24 —

կոչ արեց մի քանի անգամ ամբլայնել տանկերի արտադրությունը և զրոյի հասցրնել գերմանացիների գերակշռությունը տանկերի ասպարեզում:

Սևաջնորդի կոչը ջերմ արձագանք գտավ սովետական մարդկանց սրտերում: Մեր երկրի արևելքում, որտեղ, շնորհիվ բոլշևիկյան պարտիայի իմաստուն կանխատեսության, խաղաղ շինարարության տարիներին ստեղծվեց հզոր արդյունաբերական բազա, հակատամերձ դոտիններից էվակուացված բոլոր ձեռնարկությունները հնարավորություն ստացան արագ կերպով ծավալելու արտադրությունը: Կոմունիստական պարտիայի կողմից համախմբված հերոսական սովետական թիկունքը կարգավորեց սպառողինության մասսայական արտադրությունը, այդ թվում նաև «Տ—34» և «ԽՍ» հրաշալի տանկերի արտադրությունը: 1943 թվականի սկզբին գերմանացիների գերակշռությունը տանկերի ասպարեզում լրիվ լիկվիդացվեց: Պատերազմի վերջին երեք տարիներին մեծ արդյունաբերությունն ամեն տարի տալիս էր ավելի քան 30 հազար տանկեր, ինքնագնացներ, զրահամեքենաներ: Միայն Լենինգրադից Ուրալ էվակուացված Կիրովյան գործարանը, Հայրենական Մեծ պատերազմի

ընթացքում արտադրել է 18 հազար տանկ և ինքնագնաց սարքավածքներ: Ուրալյան մի ուրիշ գործարան—Ստալինի անվան գործարանը, պատերազմի ժամանակ թողարկել է 35 հազար տանկ:

Սովետական ամբողջ ժողովուրդը իր մասնակցութիւնն է ունեցել մեր բազմաթանակ տանկային պարկի ստեղծման գործում: Հետեւելով տամբովյան և սարատովյան կոլխոզնիկներին կոչին, Սովետական Միութեան աշխատավորները տանկերի կառուցման համար մոծեցին մոտ 6 միլիարդ ուրբի, ավելի քան 100 հազար ուրբի ոսկով և մոտ 200 կլգ. զանազան ոսկեղեն: Սովետական չերմ հայրենասիրութեան օրինակ է հանդիսանում ուրալյան կամավորական զորամասի կազմակերպումը: Ձեւավորելով այդ զորամասը, Ուրալի աշխատավորները կարճ ժամկետում լրիւ կերպով ապահովեցին նրան պլանից դուրս արտադրված տանկերով և բոլոր տեսակի սպառազինութիւնով: Նրանք զորամաս ուղարկեցին իրենց լավագույն զավակներին:

Հայրենական Մեծ պատերազմի դաժան փորձութիւնների տարիներին ընկեր Ստալինը անմիջականորեն ղեկավարում էր մեր տանկաշինութիւնը, անձամբ ղրադվում

— 26 —

Իր զրահատանկային զորքերի ձեւավորմամբ և սպառազինումով: Ընկեր Ստալինի ցուցումներով մեր գործարանները կատարելագործում էին մարտական մեքենաները՝ ռազմաճակատի պահանջներին համապատասխան: Անընդհատ կատարելագործվում էր զրահն ու սպառազինումը, բարձրանում էր մեքենաների մարտունակութիւնը:

Բանակը զրահատանկային տեխնիկայով հաղեցնելու ստալինյան ցուցումների իրականացման գործում նշանակալից դեր են խաղացել ընկեր Ստալինի մերձավոր ղինակիցներ— Վ. Մ. Մուրտովը ու Լ. Պ. Բերիան:



Սահմանագծերի վրա տեղի ունեցած հենց առաջին ընդհարումներում, սովետական տանկային մասերը ցուցաբերեցին իրենց բարձր մարտական վարպետութիւնը: Մոսկվայի տակ մղվող մարտերում տանկիստներն իրենց պսակեցին անթառամ փառքով: Այստեղ հատկապես աչքի ընկավ 4-րդ տանկային բրիգադան, որն ընկեր Ստալինի հրամանով վերակազմվեց որպես Առաջին Գվարդիական տանկային բրիգադա:

Բոլոր ռազմաճակատների մարտական

գործողութիւններում մեծ դեր խաղացին խոշոր զրահատանկային և մեքենայացված միավորումները: Զորքերի մյուս տեսակների հետ փոխգործակցութեամբ, նրանք մեկը մյուսի հետեից կործանում էին թշնամու խմբավորումները, որոնք համառ դիմադրութիւն էին ցույց տալիս բոլոր սահմաններում:

Տանկերի մեծ մասսայի օգտագործման կլասիկ օրինակ հանդիսացավ Ստալինգրադյան մեծ ճակատամարտը: Կատարելով Գերադույն Գլխավոր Հրամանատար ընկեր Ստալինի ստրատեգիական նախադժումները, սովետական զորքերը աչքի ընկնող հաղթանակ տարան մեծ պատերազմների պատմութեան մեջ: Այստեղ, հերոսական Ստալինգրադի պատերի տակ, ցուցադրվեց զորքերի տեսակների փոխգործակցութեան չգերազանցված ստալինյան արվեստը, հզոր տեխնիկայի (հատկապէս հրետանու) հարվածների և սրընթաց մաների դուզակցում, որի հիմքը հանդիսանում էին զրահատանկային և մեքենայացված միավորումները: Գործելով գրոհող սովետական զորքերի թեւերում, տանկային և մեքենայացված գործառնները մտան ճեղքման պլխավոր հարվածների ուղղութեան մեջ և Կալաչի շրջանում

— 28 —

արագ մաներով փակեցին շրջապատման օղակը: Գերմանական 300 հազարանոց բանակի մի մասը ոչնչացվեց, իսկ մյուս մասը գերի վերցվեց:

Մյուս մեծ ճակատամարտը—Կուրսկի տակ—նույնպէս տեղի ունեցավ զորքերի և մարտական տեխնիկայի հսկայական կուտակումով: Այդ ճակատամարտը, որը դերմանա-Ֆաշիստական բանակը կանգնեցրեց կատաստրոֆի առաջ, բնորոշ էր տանկային խոշոր մարտերով: Երկու կողմերից այստեղ մասնակցում էին մոտ 10 հազար տանկեր: Համառ ահտիվ պաշտպանական մարտերում հյուծելով ու արշունաքամ անելով Ֆաշիստական ընտիր դիվիզիաներին, սովետական զորքերը ճեղքեցին հակառակորդի ռազմաճակատը և անցան հարձակման, որը նոր, պանծալի հաղթանակ բերեց թշնամու նկատմամբ: Սովետական փառապանծ տանկիստներն այդ մարտերում ցուցաբերեցին բացառիկ կայունութիւն, խիզախութիւն և չգերազանցված հմտութիւն:

Սովետական զորքերի հարվածների տակ, թշնամին ունեցավ տերիտորիայի, կենդանի ուժի և տեխնիկայի մեծ կորուստ: Պատերազմը ձգձգելու, Դնեպրի մյուս կողմում ամրանալու նրա փորձերը ամբողջովին ձա-

խողվեցին: Հետապնդելով թշնամուն, սովե-
տական պանծալի տանկիստները հետևակի
հետ միասին անցան Դնեպրը և նրա արև-
մըտյան ափում ստեղծեցին պլացդարմ, որով
և ապահովեցին հետագա հաղթական հարձա-
կումը: Մեր տանկային զորամասերը ամե-
նուրեք հետապնդելով գերմանացիներին,
հնարավորություն չէին տալիս նրանց ամ-
բանալ վաղօրոք պատրաստած սահմանա-
դժերում, համարձակորեն թափանցում էին
թշնամու թիկունքը, խախտում նրա կո-
մունիկացիաները:

Սովետական Միության կրկնակի Հերոս
Բրազունսկին մի մարտական էպիզոդ
է օրինակ բերում, որը վառ կերպով խոսում
է մեր տանկիստների խիզախության, հմտու-
թյան և զինվորական արիության մասին:

Տանկային զորամասի առաջ խնդիր էր
դրված—հակառակորդի թիկունքում գրավել
խճուղային ճանապարհների կարևոր հան-
դույցը—Պավոլոչը: Կապիտաններ Կովալյու-
վի և Ֆյոդորովի (այժմ երկուսն էլ Սովետա-
տական Միության Հերոսներ են) ստորաբա-
ժանումները գտնվելով զորամասի առաջա-
պահ գծում, ընդհարվեցին հակառակորդի
տանկային գնդի հետ և զխովին ջախջախե-

— 30 —

ցին այն, դերի վերցնելով մոտ 500 հոգի:
Պավոլոչը գրավվեց:

Գտնվելով թշնամու թիկունքում, Կովալյու-
վի ու Ֆյոդորովի ստորաբաժանումների
տանկիստները խորտակում էին դեպի Ֆաս-
տով գնացող թշնամու էշելոնները, որտեղ
այդ ժամանակ տեղի էին ունենում կատաղի
մարտեր, պայթեցնում էին կամուրջները,
կաշկանդում գերմանացիների տանկային
խոշոր ուժերը:

Տանկիստները յոթ օր պահեցին Պավոլո-
չը, ետ մղելով թշնամու մի շարք գրոհներ:
Այնուհետև խիզախ տանկիստները իրենց
բրիգադային միանալու համար ձեզքե-
ցին հակառակորդի դասավորությունները:
Ստալինյան տասը խորտակիչ հար-
վածները 1944 թվականին—վճռական հաղ-
թանակների տարում, որոնց հետևան-
քով ջախջախվեցին և շարքից հան-
վեցին թշնամու մինչև 120 գլխիղիաներ,
հանդիսացան ձեզքելու փայլուն արվես-
տի, խորը մաների, սրընթաց հետա-
պնդման ու շրջապատման ստալինյան փի-
տության տրիումֆը: Բոլոր այդ հարվածնե-
րի ընթացքում սովետական տանկիստները,
սովետական մյուս բոլոր մարտիկների հետ

միասին դործում էին արիությամբ և խիզախությամբ:

Բեռլինի համար մղվող վերջնական ճակատամարտում նորից իր ամբողջ մեծությամբ երևան եկավ սովետական մարտիկների, այդ թվում նաև տանկիստների մասսայական հերոսությունն ու շգերազանցված հմտությունը: Ավելի քան 6.300 տանկեր մասնակցում էին Բեռլինի համար մղվող վերջնական մարտերին: Տանկային և մեքենայացված զորքերը, զորքի մյուս տեսակների հետ միասին շրջապատեցին հակառակորդի բեռլինյան խմբավորումը: Տանկերը մեծ դեր էին խաղում փողոցային մարտերի ընթացքում: Նրանք հրետանու հետ միասին օգնում էին հետևակին գրավելու լադամարթաղամասի հետևից, հաղթանակի դրոշմարձրացնելու ռալսատաղի վրա:

Սովետական տանկիստներն տնխառամ փառքով պսակեցին իրենց նաև խմպերիալիստական ճապոնիայի դեմ մղված պատերազմում: Մեր դրահատանկային զորքերը սերտորեն փոխգործակցելով զորքի մյուս տեսակների հետ, թշնամու խորը էշելոնացված պաշտպանության առկայության և տեղանքի ծանր պայմաններում, վճռական

— 32 —

հարված հասցրին ճապոնացիների Կվանտունյան բանակին:

Սովետական կառավարությունը լայն կերպով նշեց պանծալի տանկիստների ու տանկաշինարարների մատուցած ծառայությունները: 250 հազար տանկիստներ պարգևատրված են ՍՍՌՄ շքանշաններով ու մեդալներով: 1.120 տանկիստների շնորհիվ է Սովետական Միության Հերոսի կոչում: Նրանց թվումն են դրահատանկային զորքերի մարշալներ Ռիբալկոն և Բոգդանովը, գեներալներ Կատուկովը, Լելյուշենկոն, Արխիպովը, Շակուբովսկին, Գուսակովսկին, Ֆոմիչյովը և ուրիշները: 9 հազար տանկաշինարարներ պարգևատրված են շքանշաններով ու մեդալներով: Շատ կոնստրուկտորներ արժանացել են Սոցիալիստական Աշխատանքի Հերոսի կոչմանը և Ստալինյան մրցանակների:

ՍՍՌՄ բոլոր Ձինված Ուժերի հետ միասին, սովետական դրահատանկային զորքերը արթուն կանգնած են ժողովրդի ստեղծագործ աշխատանքի պաշտպանության, խաղաղության ու անվտանգության գործի պաշտպանության դիրքերում: Տանկիստներն ուսում-

նասիրում են պատերազմի փորձը, տիրապետում են մարտական տեխնիկային, կատարելագործում են իրենց վարպետությունը: Քիչ գերազանցիկներ, տանկ վարողներ ու կրակի վարպետներ չեն դաստիարակվել հետպատերազմյան տարիներին: Զորացրված տանկիստներն այժմ սոցիալիստական աշխատանքի օրինակներ են ցուցաբերում ձեռնարկություններում ու կոլխոզներում: Նրանցից շատերն արդեն աշխատանքի արիության համար արժանացել են կառավարական նոր պարգևներին:

Տանկիստների Օրը համաժողովրդական տուն է հանդիսանում, որովհետև բոլշևիկյան պարտիայի կողմից համախմբված սովետական ժողովուրդը, ընկեր Ստալինի ղեկավարությամբ ստեղծել է մեր հզոր Զինված Ուժերը, հազեցնելով նրանց առաջնակարգ տեխնիկայով, այդ թվում նաև լավագույն տանկերով աշխարհում: Սովետական մարդիկ Տանկիստների Օրը կնշեն հետպատերազմյան ստալինյան հնգամյակը ժամկետից շուտ կատարելու համար մղվող պայքարում նոր հաջողություններով, հանուն մեր սիրելի Հայրենիքի հզորության հետագա ամրապնդման:

Փոխգնդապետ՝ Ն. ԿՈՐՈՒՆՎ

„ՏԱՆԿԻՍՏՆԵՐԻ ՕՐԸ“ ԶՐՈՒՅՑՆԵՐԻ ՊԼԱՆ

1. Մեր երկրի առաջնությունը տանկ րատեղծելու գործում (առաջին տանկի հնարումը ռուս ինժեներ Մենդելևի կողմից դեռ մինչև առաջին համաշխարհային պատերազմը):

2. ՍՍՌՄ-ը ամենաառաջավոր տանկաշինարարական երկիրն է: Երկրի ինդուստրացման և դյուդատնտեսության կոլեկտիվացման բոլշևիկյան պարտիայի գլխավոր գծի կենսագործումը ընկեր Ստալինի ղեկավարությամբ: Հզոր ծանր ինդուստրիայի ստեղծումը, առաջավոր մեքենաշինությունը ապահովեցին Հայրենական տանկաշինության ծավալումը: Պարտիայի և ընկեր Ստալինի հոգատարությունը տանկիստների, կոնստրուկտորների, տեխնիկների կադրեր և տանկաշինարար բանվորներ աճեցնելու նկատմամբ:

3. Զրահատանկային զորքերը Հայրենական Մեծ պատերազմում: Ընկեր Ստալինի կողք՝ զրոյի հավասարեցնել դերմանացիների դերակշռությունը տանկերի ասպարեզում: Պարտիայի կողմից բոլոր ուժերի ու միջոց-

ների մոբիլիզացումը այդ կոչն իրականացնելու համար: Թիկունքի հերոսական ջանքերը: Տանկային զորասյուներ կառուցելու համար միջոցներ հավաքելու աշխատավորների հայրենասիրական շարժումը: Բնկեր Ստալինի անմիջական ղեկավարությամբ՝ տանկերի մասսայական արտադրության, նրանց որակի հետադա բարելավման, խոշոր գրահատանկային միավորումների կադմակերպման գործում: Տանկերի ապարեզում գերմանացիների դերակշռության լիկվիդացումը: Ստալինյան ռազմական գիտությունը: Տանկերի մեծ մասսայի օգտագործում: Խոշոր տանկային և մեքենայացված միավորումների առաջին գործադրումը ստալինգրադյան ճակատամարտում: Ճակատամարտ Կուրսկի տակ: Զրահատանկային գորքերը վճռական հաղթանակների տարում (1944) և բեռլինյան մեծ մարտերում: Սովետական տանկերը խմբերիալիստական ճապոնիայի դեմ մղված պատերազմում:

4. Տանկիստների Շրջ — տոնն է ամբողջ սովետական ժողովրդի, որը կոմունիստական պարտիայի և ընկեր Ստալինի ղեկավարությամբ ստեղծել է մեր հզոր Զինված Ուժերը, մեր առաջավոր գրահատանկային տեխնիկան:

ՍՍՏԼԻՆՅԱՆ ՄՐՑԱՆԱԿԻ ԼԱՌԻՐԵԱՏՆԵՐԸ

Գիտության մեծ կորիֆեյ Իոսիֆ Վիսսարիոնովիչ Ստալինի 60-ամյակը հավերժացնելու համար, մեր կառավարությունը սահմանել է Ստալինյան մրցանակներ, որոնք ամեն տարի շնորհվում են գիտության ու արվեստիականավոր գործիչներին, արտադրության առաջավոր մարդկանց՝ նրանց կատարած աշխի ընկնող նվաճումների համար:

Ամեն տարի Ստալինյան մրցանակների շնորհումը դարձել է սովետական գիտության նվաճումների տրագիցիոն ստուգատես, համաժողովրդական տոն: Մեր երկրում գիտությունը շրջապատված է բուլշեիկյան պարտիայի, սովետական կառավարության, անձամբ ընկեր Ստալինի ուշադրությամբ ու հոգատարությամբ: Բնկեր Ստալինը սովետական գիտնականներին ոգեշնչում է ամենահամարձակ ստեղծագործական խիզախումների, մեր գիտությունը տանում է դեպի նորանոր հաղթանակներ: 1938 թվականի

մայիսի 17-ին, Կրեմլում, բարձրագույն դպրոցի աշխատողների ընդունելության ժամանակ արտասանած իր պատմական հառում ընկեր Ստալինը ասաց. — «Գիտության ծաղկման կենացը, այն գիտության, որը չի պարսպվում ժողովրդից, ժողովրդից հեռու չի պահում իրեն, այլ պատրաստ է ծառայելու ժողովրդին, պատրաստ է ժողովրդին հաղորդելու գիտության բոլոր նվաճումները. որը սպասարկում է ժողովրդին ոչ թե հարկադրաբար, այլ կամավոր կերպով, հաճույքով»:

Սովետական գիտությունը հավատով ու ճշմարտությամբ ծառայում է ժողովրդի շահերին, երկրի արտադրողական ուժերի զարգացմանը, կոմունիզմի կառուցման գործին: Այդ պատճառով էլ սովետական գիտության գործիչները վայելում են ժողովրդի հարգանքը ու սերը:

Սովետական Միության և ամբողջ աշխարհին հայտնի անունների շարքում Ստալինյան մրցանակի լաուրեատների թվում մենք տեսնում ենք նաև պրակտիկայի մարդկանց — ստալսանովականների, որոնք սիստեմատիկորեն բարձրացնում են մեր արդյունաբերության տեխնիկական մակարդակը, պայքարում աշխատանքի բարձր

— 38 —

արտադրողականության համար: Ամբողջ երկրին հայտնի են Մոսկվայի «Պարիսկալա կոմունա» կոշիկի ֆաբրիկայի ձևող բանվոր՝ Վ. Մատրոսովի, ջուլհակուհիներ Մ. Վոլկովայի, Ա. Կաշչայեվայի, Ն. Շիբայեվայի, ինժեներներ Ա. Էնգիբարյանի, Ն. Գրիգորյանի, շախտյոր Զապորոժեցի և շատ ուրիշների անունները: Այդպիսի գործի մարդիկ են նաև ինժեներներ Մարիա Բաբաշանյանն ու Վալենտին Մինասյանը, որոնք մշակել են ապակու էլեկտրաեփման վառարանների նոր կոնստրուկցիա և եփման նոր մեթոդ, որի համար և սովետական կառավարությունը նրանց արժանացրել է Ստալինյան մրցանակի:

Սովետական Հայաստանի հարուստ հիդրոէներգետիկ ռեսուրսները հնարավորություններ են ստեղծում օգտագործել էլեկտրաէներգիան տեղական ապակու արտադրության կազմակերպման գործում: Հարկավոր էր սակայն գտնել ապակու եփման համար էլեկտրական էներգիայի օգտագործման մեթոդը, կառուցել միանգամայն նոր վառարաններ, որոնք լրիվ ապահովեին ապակու էլեկտրաեփման պահանջները:

Երկու երիտասարդ ինժեներներ՝ Մ. Բաբաշանյանին ու Վ. Մինասյանին հանձնա-

բարվեց լուծելու այդ դժվարին, բայց հետաքրքիր ու պատվավոր խնդիրը:

Երիտասարդ ինժեներներին ոգեշնչում, ուժ ու եռանդ էր տալիս այն միտքը, որ ապակու եփման նոր տեխնոլոգիան կբաղմապատկի տեղական ապակու արտադրությունը և դրանով մեծ օգուտներ կըտան մեր երկրի ժողովրդական տնտեսությանը: 1935 թվի սեպտեմբերին, նրանք մեծ եռանդով գործի լծվեցին: Համառ ու քրտնաջան աշխատանքի տարիներ անցան: Ծավալվեց եռանդուն հետազոտական աշխատանք հատուկ փորձակայանում: Եղան նաև անհաջողություններ, որոնք սակայն չէին վատեցնում երիտասարդ մասնագետներին, որովհետև նրանք ներշնչված էին մեծ հավատով դեպի իրենց գործի հաղթանակը: Ինժեներներ, տեխնիկներ, բանվորների կոլեկտիվը նրանց ղեկավարությամբ աշխատում էր համերաշխ ու մեծ ջանասիրությամբ:

Ապակու էլեկտրաեփման մեջ ամենակարևորը էլեկտրահազորի ցանցից ապակուն հաղորդվող էլեկտրոդների դիմացկունությունը՝ աշխատանքի տևողությունը երկարացնելն է: Անհրաժեշտ եղավ բաղմամբով անգամ փոխել էլեկտրոդների կառուցվածքը, նրանց սառեցման ձևը և մետաղի բա-

— 40 —

ղադրությունը: Համառ աշխատանքը տվեց իր արդյունքը: Տարեց-տարի բարելավվեց ու կատարելագործվեց ապակու էլեկտրաեփման տեխնոլոգիան և մեր սովետական համառ ինժեներներին հաջողվեց կառուցել այնպիսի վառարաններ, որոնք մեկ տոննա ապակու մասսա եփելու համար, փորձի նախկին վառարանների համեմատությամբ, ծախսում են 3 անգամ ավելի քիչ էլեկտրաէներգիա: Այնուհետև նրանց աշխատանքը գնում էր վառարանների անրնդհատ աշխատանքի տևողությունը երկարացնելու, որակը լավացնելու ուղղությամբ:

1943 թվականից Երևանի Քիմիական դործարանում գործում է այդ ինժեներների կոնստրուկցիայով կառուցված վառարանը որը ապահովում է տնտեսության համար ուպակյա ամանեղենի և լայն սպառման այլ առարկաների արտադրությունը: Վառարանի կառուցվել է Մարիա Բաբաջանյանի տեխնիկական հսկողության տակ:

Ապակու էլեկտրաեփման վառարանները ունեն մի շարք առավելություններ: Ապակու եփման այդ մեթոդը պահանջում է է 3—4 անգամ ավելի քիչ ջերմություն, քան վառելանյութով գործող վառարանները:

— 41 —

էլեկտրական վառարաններում կարելի է ջերմութիւնը հասցնել 1.550 աստիճանից ավելի բարձր, ըստ Ֆելսիուաի, որը շատ կարեւոր է բարձրորակ ապակի ստանալու համար: Բարձրորակ ապակու ստացումը հնարավորութիւն կտա կազմակերպել էլեկտրական լամպերի, տեսապակիների (լինզա), լաբորատորային պարագաների և տեխնիկական նշանակութիւն ունեցող այլ իրերի արտադրութիւնը: Ապակու էլեկտրական վառարանի կառուցվածքը անհամեմատ պարզ է և պահանջում է փոքր ներդրում: Պարզ ու կատարյալ է նաև տեխնոլոգիական ռեժիմը: Այդ վառարանի օգտագործումով շափազանց թեթեւանում են եփող բանվորների աշխատանքի պայմանները:

Ապակու էլեկտրական եփման տեխնոլոգիայի նշանակութիւնը և հեռանկարները մեծ են ոչ միայն մեր ռեսպուբլիկայի, այլև մեր երկրի ապակու, մասնավորապես հատուկ ապակու արտադրութեան համար:

Երիտասարդ մասնագետները չեն հանգրստանում ձեռք բերածով, նրանք համառորեն պայքարում են նոր, ավելի կատարելագործված մեթոդների հասնելու համար:

Ա. ԽՈՍՐՈՅՎ

ՄԻՋԱԶԳԱՅԻՆ ԹԵՄԱՆԵՐԻ ՇՈՒՐՋԸ

ԴԱՆՈՒԲԻ ՆԱՎԱԳՆԱՑՈՒԹՅԱՆ ՌԵԺԻՄԻ ՆՈՐ ԿՈՆՎԵՆՑԻԱՆ

1948 թվի հուլիսի 30-ից մինչև օգոստոսի 18-ը Բելգրադում տեղի ունեցավ Դանուբի նավագնացութեան նոր կոնվենցիա մշակող միջազգային կոնֆերանսը:

Մինչև երկրորդ համաշխարհային պատերազմը Դանուբի նավագնացութիւնը գրտնվում էր Դանուբից հարյուրավոր և հազարավոր կիլոմետր հեռու գտնվող իմպերիալիստական տերութիւնների ձեռքում:

Ինչպես հայտնի է, Դանուբի կոնֆերանսը հրապարակել էր շորս տերութիւնների — Սովետական Միութեան, Միացյալ Նահանգների, Մեծ Բրիտանիայի և Ֆրանսիայի Արտաքին գործերի մինիստրների խորհրդի 1946 թվականի դեկտեմբերին Նյու-Յորքյան սեսիայի որոշման հիման վրա: Արտաքին գործերի մինիստրների խորհուրդը որոշեց, որ կոնֆերանսին մասնակցելու համար հրապարակելու

են մերձդանուբյան երկրները և արտաքին պործերի մինիստրներին խորհրդում ներկայացված մեծ տերությունները:

Բելգրադի կոնֆերանսի քաղաքական, պատմական նշանակութիւնն ունեցող արդյունքներին և որոշումներին ծանոթանալուց առաջ, ուսանելի է համառոտակի վերհիշել Դանուբի պորբլեմի պատմութիւնը:

Որպէս Հարավ-Արեւելյան Եվրոպայի խոշորագույն ջրային նավարկելի ուղի, Դանուբը տնտեսական-տրանսպորտային մեծագույն նշանակութիւնն ունի մերձդանուբյան բազմաթիւ երկրների համար: Դանուբ գետը սկիզբ է առնում Հարավային Գերմանիայի Շվարցվալդ լեռներից և մինչև ութ երկրների տերիտորիաներով հոսելով, Ռումինիայի և ՍՍՌՄ-ի սահմանների մոտ թափում է Սև ծովը: Դանուբի ընդհանուր երկարութիւնը համասար է 2855 կիլոմետրի, որից նավարկելի մասը՝ 2569 կիլոմետր՝ Ուլմ քաղաքից մինչև գետաբերանը: Դանուբ գետի ավազանը (իր վտակների ցանցի հետ միասին) ընդգրկում է մինչև 817000 քառ. կիլ.:

Մերձդանուբյան երկրներից՝ Ավստրիայի, Զեխսլովակիայի և Հունգարիայի համար Դանուբը ծով դուրս գալու միակ ջրային ուղին է, իսկ Հարավսլավիայի, Բուլղարիայի և

— 44 —

Ռումինիայի համար՝ առևտրա-տնտեսական կենսական նշանակութիւնն ունեցող միջերկրային և ծովերի հետ կապող տրանսպորտային զարկերակ է հանդիսանում: Մինչև պատերազմը Բուլղարիա բերվող ապրանքների 50 տոկոսը և Հարավսլավիա բերվող ապրանքների 30 տոկոսը փոխադրվում էր Դանուբի վրայով: Գերմանիան իր տերիտորիայում ունենալով Դանուբ գետի վերին հոսանքը, որը ջրանցքով կապված է նրա ներքին մշուս գետերի հետ (Մալն-Հոենոս), միշտ էլ օգտագործել է Դանուբը Հարավ-Արեւելյան Եվրոպայի երկրները տնտեսապէս ներթափանցելու և իր արտաքին իմպերիալիստական զավթողական ծրագրերն իրագործելու համար:

Սովետական Միութեան քաղկաջուցիչ մասը կազմող Ուկրաինական ՍՍՌ-ի սահմանը ավելի քան 160 կիլոմետր երկարութեամբ անցնում է Դանուբի ափերով, նրա գելտայի՝ Կիլիյան բաշուկը ամբողջապէս անցնում է Ուկրաինայի տերիտորիայով, իսկ նրա կարևոր վտակներից մեկը՝ Պրուտ գետը իր ամբողջ երկարութեամբ անցնում է ՍՍՌՄ-ի տերիտորիայով և նրա սահմաններով:

Հարավ-Արեւելյան Եվրոպան իրենց տնտեսական, քաղաքական ազդեցութեամբ ենթար-

Զեկու, մերձդանուբյան երկրների գլուղա-
 տնտեսական արտադրանքները և բնական
 հարստութիւնները կողոպտելու, ինչպես նաև
 այդ երկրներն իրենց ազդեցիկ պլանների
 համար բազա ծառայեցնելու նպատակով,
 արևմտյան նվիրաւայի իմպերիալիստական
 մեծ տերութիւնները՝ Անգլիան, Ֆրանսիան,
 Գերմանիան միշտ էլ ձգտել են տիրապետող
 դիրք ձեռք բերել հզոր ջրային ուղու Դանու-
 բի վրա։ Կապիտալիստական մեծ պետու-
 թիւնների միջև ուժեղացող մրցակցութիւնը
 և սրվող հակասութիւնները դրսևորվում էին
 նաև Դանուբի համար մղվող պայքարում։
 Ղրիմի պատերազմից հետո դաշնակիցները
 Ռուսաստանից անջատեցին Բևարաբիայի
 մերձդանուբյան շրջանը (Բլմայիլի գավառը)
 ցանկանալով նրան հեռու պահել Դանուբից։
 1856 թվականի մարտին Փարիզի տրակ-
 տատով Դանուբը «միջազգային գետ» հռչակ-
 ւեց։ Իսկ նրա նավարկութիւնը հսկելու հա-
 մար կազմակերպվեց Դանուբի գետաբերանը
 հսկող այսպես կոչված «Ճմրտաւական Դա-
 նուբյան ժամանակավոր Հանձնաժողով»։ Այդ
 հանձնաժողովը բաղկացած էր Մեծ Բրիտա-
 նիայի, Ֆրանսիայի, Պրուսիայի, Սարդինիա-
 յի (Իտալիա), Ռուսաստանի, Ավստրիայի
 և Ռյուրքիաի ներկայացուցիչներից։ Երկու

տարվա ժամկետով կազմակերպված այդ
 հանձնաժողովը շուտով դարձավ հարատե-
 ւործող մի մարմին իր մեծաքանակ պաշ-
 տոնյաներով, սեփական տորմիզով, փայա-
 տոմսերով, փոխառութիւններով և այլն։
 Անտես տոնելով առափնյա պետութիւնները,
 նա փաստորեն դարձել էր «պետութեան մեջ
 պետութիւն»։ 1878 թվին բեռլինյան կոնգրես-
 սի ժամանակ դրսևորվեց Գերմանիայի աճույ
 ակտիւթիւնը Դանուբի համար մղվող պայ-
 քարում, որն իր Բեռլին-Բաղդատ իմպերիա-
 լիստական ազդեցիկ ծրագրի ստորաւեգիայի
 մեջ Դանուբին հատկացնում էր անհրաժեշտ
 կարևոր տեղ։

Առաջին համաշխարհային պատերազմից
 հետո, Դանուբի ավազանում իմպերիալիս-
 տական խոշոր պետութիւնների միջև պայ-
 քարը էլ ավելի սրվեց։ Գերմանիան պարտու-
 թյան պատճառով դուրս էր եկել մրցողների
 շարքից, իսկ Անգլիան, Ֆրանսիան և Իտա-
 լիան ձգտում էին լիապես իրենց ենթարկել
 դանուբյան երկրների տնտեսութիւնը, ո-
 րոնց քաղաքականապես արդեն դարձրել էին
 վասսալ տերութիւններ։ Օգնելով Ռումի-
 նիային՝ Բեսարաբիան օկուպացնելու հա-
 մար, Անգլիան, Ֆրանսիան և մյուս պետու-
 թիւնները ձգտում էին Սովետական Ռու-

սաստանին մեկուսացնել նաև Դանուբից:

1921 թվի հուլիսի 23-ին Փարիզում կնքվեց նոր կոնվենցիա, որտեղ գերիշխող և թելադրող դեր էին խաղում ոչ դանուբյան երկրները՝ Անգլիան և Ֆրանսիան: Այս նոր կոնվենցիայով միջազգայնացված գետեր հայտարարվեցին Դանուբի խոշոր վտակները՝ Տիսսան, Մարոշը, Դրավան, Մորավան և մյուսները: Այդ կոնվենցիայի համաձայն կազմակերպվեց Դանուբի նավարկությանը հսկող երկու հանձնաժողով՝

1. Ծովային Դանուբի Հանձնաժողով, որը վերահսկելու էր գետաբերանից մինչև Բրախով քաղաքի գետամասը, և

2. Գետային Դանուբի Հանձնաժողով, որի վերահսկողությունը տարածվում էր Բրախով քաղաքից փերե՝ մինչև Ուլմ քաղաքի գետամասը:

Ծովային Դանուբի Հանձնաժողովը բաղկացած էր Անգլիայի, Ֆրանսիայի, Իտալիայի՝ և Ռումինիայի ներկայացուցիչներից: Իսկ Գետային Դանուբի Հանձնաժողովի կազմի մեջ մտնում էին բոլոր մերձդանուբյան երկրներից մեկական ներկայացուցիչ (Գերմանիան ուներ 2 ներկայացուցիչ), ինչպես նաև մեկական ներկայացուցիչ ուներին Անգլիան, Ֆրանսիան և Իտալիան: Թե մեկ և թե

— 48 —

մյուս հանձնաժողովներում տերն ու տնօրենը հանդիսանում էին ոչ դանուբյան երկրները՝ Անգլիան ու Ֆրանսիան: 1921 թվի Փարիզյան կոնվենցիային Սովետական Ռուսաստանը չէր մասնակցում:

Այդպիսով մոտ մեկ դար Դանուբի գետային նավարկությունը հսկելով և հսկայական օգուտներ քաղելով, Եվրոպական և Միջազգային Դանուբյան հանձնաժողովները ոչ Դանուբի գետաբերանը տիրմից մաքրեցին և ոչ էլ նրկաթյա-Դոներ գետամասում (ռումինա-հարավսլավական սահմանում) ժամանակակից հիդրոտեխնիկական սարքավորումներով բարենորոգող-կանոնավորող որևէ կապիտալ կառուցումներ կատարեցին:

1938 և 1939 թվերին միակողմանի համաձայնություններով Անգլիան և Ֆրանսիան հնարավոր դարձրին Գերմանիայի ազդեցության աճումը Դանուբի նավարկության վրա և Դանուբի ավազանում: Նրկրորդ համաշխարհային պատերազմի հետևանքով վերացավ այդ կոնվենցիաների ու հանձնաժողովների ամեն մի գործունեությունը:

Նրկրորդ համաշխարհային պատերազմից հետո, դանուբյան երկրների ժողովուրդների կյանքում սոցիալ-քաղաքական արմատական փոփոխություններ են տեղի ունեցել: Սովե-

տական Բանակի օգնությամբ այդ երկրների ժողովուրդները ազատագրվեցին գերմանական ֆաշիզմի օկուպացիոն ծանր լծից և իրենց երկրներում ստեղծեցին նոր դեմոկրատիայի կարգեր: Հսկայական շափերով աճել է Սովետական Միության քաղաքական դերը, լայնացել է դանուբյան երկրների հետ նրա տնտեսական դործունեությունը, որը նպաստում է այդ երկրների տնտեսական արագ զարգացման գործին:

Բելգրադի Դանուբյան կոնֆերանսը կոչված էր ստեղծված նոր քաղաքական-տնտեսական պայմաններին համապատասխան՝ նոր կոնվենցիա մշակելու համար: Բելգրադի կոնֆերանսին մասնակցում էին դանուբյան պետությունները և Արտաքին Գործերի մինիստրի կորհրդի անդամ՝ ԱՄՆ-ը, Մեծ Բրիտանիան և Ֆրանսիան: Կոնֆերանսի ամբողջ աշխատանքների ընթացքում դանուբյան երկրները, Սովետական Միության գլխավորությամբ հանդես էին գալիս փոքր պետությունների սուվերենությանը հարգելու և նրանց արդարացի իրավունքները մինչև վերջը հետևողականորեն պաշտպանելու, ընդհանուր խաղաղությունն ու պետությունների միջև փոխադարձ համագործակցությունը ամրապնդելու ոգով: Այդ նույն ժամանակ

— 50 —

արևմտյան պետությունները նպատակ ունենալով ամեն կերպ ձգտել փերականգնելու 1921 թվի արդեն մեռած կոնվենցիան և նախկին անարդարացի ռեժիմը, դիմում էին ամեն տեսակ մանևրների, սպառնալիքների և շանտաժի. դրանով նրանք ցույց տվեցին, որ ոչինչ չեն սովորել և աշխատում են ոչինչ չտեսնել այն խորը արմատական փոփոխություններից, որ երկրորդ համաշխարհային պատերազմից հետո տեղի է ունեցել ժողովուրդների կյանքում: Կոնֆերանսը փակուղու առաջ կանգնեցնելու կամ տապալելու նրանց բոլոր փորձերը, վերջացան անհաջողությամբ. նրանք կրեցին քաղաքական-բարոյական խոշոր պարտություն:

Կոնֆերանսը քննության համար հիմք ընդունեց Սովետական Միության դեկլարացիայի ներկայացրած կոնվենցիայի նախագիծը, որը լիապես համապատասխանում է դանուբյան երկրների շահերին ու դարերով փայտացած իղձերին: Ելնելով այն հիմնական խնդրից, որ Դանուբը պետք է պատկանի դանուբյան երկրներին և ծառայեցվի նրանց պետական անկախության ամրացման ու տնտեսական բարգավաճման գործին, միաժամանակ հաշվի է առնված այլ ժողովուրդների հետ խաղաղ և տնտեսական

— 51 —

համագործակցության խնդիրը: Կոնվենցիա-
յի առաջին հոդվածում արձանագրված է. —
«Նավարկությունը Դանուբ գետի վրա պետք
է ազատ ու բաց լինի բոլոր պետություննե-
րի քաղաքացիների, առևտրանավերի և ապ-
րանքների համար՝ նավահանգստային և նա-
վարկման դանձումներին ու առևտրական
նավագնացության պայմանների վերաբեր-
մամբ հավասարության հիման վրա»: Միա-
ժամանակ նոր կոնվենցիայով արգելվում է
ոչ դանուբյան օտար պետությունների ռազ-
մանավերի մուտքը Դանուբի ջրերը: Նախ-
կին Նվրոպական և Միջազգային Դանուբյան
հանձնաժողովների շենքերի ու նավահան-
գստային սարքավորումները հանձնվելու է
դանուբյան նոր հանձնաժողովին: Կոնվեն-
ցիան ուժի մեջ է մտնելու կոնֆերանսի
մասնակից վեց տերությունների կողմից այն
վավերացվելուց հետո:

Դանուբի նավագնացության նոր կոնվեն-
ցիան հրաժարվեցին ստորագրել ԱՄՆ-ի
Անգլիայի և Ֆրանսիայի ներկայացուցիչնե-
րը, բայց նա մեծ ոգևորությամբ հավանու-
թյան արժանացավ և ստորագրվեց կոնֆե-
րանսի դելեգատ մերձդանուբյան երկրների
ներկայացուցիչների կողմից:

Սովետական Միության խորհուրդը

— 52 —



կան հետևողական քաղաքականությունը մի
նոր, խոշոր հաղթանակ ևս ձեռք բերեց: Նա
փայլուն կերպով ցույց տվեց փոքր ժողո-
վուրդների արդարացի շահերի հետևողական
պաշտպանության, ժողովուրդների խաղաղ
համագործակցության դրական մեծ պոտու-
նները:

Այսուհետև Դանուբի հզոր ջրային արտե-
րիան կծառայեցվի ժողովուրդների տնտե-
սական բարգավաճման, բարեկամական
մերձեցման և խաղաղության ամրացման
վեճ գործին:

Ս. ԲԵՐԲԵՐՅԱՆ

Պատասխանատու խմբագիր՝
Ա. ԲՈԹԱՆՋՅԱՆ

ՎՋ 04192 Պատվիր № 623 Տիրած 9.300
Ստորագրված է տպագրության 10/IX 1948 թ.
Պոլիգրաֆ. և Հրատ. վարչ. № 2 տպարան, Երևան

Отдел Пропаганды и агитации ЦБ ЕП(б)
Армении
Блокнот Агитатора

ՁԵՐ ԴՐԱՄՆԵՐԸ ԽՆԱՅՈՂԱԿԱՆ ԴՐԱՄԱՐԿՈՒՄ

ԽՆԱՅՈՂԱԿԱՆ ԴՐԱՄԱՐԿՐԸ

— ԱՆՅՈՂԱՆՈՒՄԻ Է ԶԳԱՎՈՆԷ, ԺԱՄԿԵԱՅԻՆ, ԴԱՅՈՂԱԿԱՆ ԶԱՆՈՂ ԵՎ ԸՎԵԱՅԻՆ ՀԱՅՈՂԱՆՈՒՄՆԵՐԸ ԽՆԱՅՈՂԱԿԱՆ ԴՐԱՄԱՐԿՐԸ Է ԿԱՆԱԴՐԱԾ ԿԱՎԱՐԱՆՈՒԹՅՈՒՆ ԿԱՎ ՆՈՒ

ՀԱՆԱԿԱՐԱՆԱԾՈՒ ԱՌԱՐԻՆ ԴՅԱՆԱԶՈՒ

ԶԱՄԱՐԷ ԴԱՆԱՆՈՒՄ Է ԿԱՎԱՐԱՆԻ ՊԱՏՄԱՆ ՈՒ ԱՎԵՆՈՒՄԻ ԱՌԱՐՈՒՄԸ
ԿԱՎԱՐԱՆԻՄ Է ԿԱՎԱՐԱՆԻ ԶԱՆՈՒՄՆԵՐ ՈՒ ԶԱՆՈՒՄՆԵՐԸ
ԶԱՆՈՒՄՆԵՐԸ Է ԿԱՎԱՐԱՆԻ ԿԱՎԱՐԱՆՈՒՄՆԵՐԸ ԿԱՎԱՐԱՆՈՒՄՆԵՐԸ
ԿԱՎԱՐԱՆՈՒՄ Է ԿԱՎԱՐԱՆԻ ԿԱՎԱՐԱՆՈՒՄՆԵՐԸ ԿԱՎԱՐԱՆՈՒՄՆԵՐԸ

ԶԱՆՈՒՄՆԵՐԸ ԿԱՎԱՐԱՆԱԾՈՒ ԿԱՎԱՐԱՆՈՒՄՆԵՐԸ

ԶԱՆՈՒՄ Է ԵՎ ԿԱՎԱՐԱՆԻ ԱՌԱՐՈՒՄՆԵՐԸ

ԿԱՎԱՐԱՆԻ Է ԿԱՎԱՐԱՆԻ ԿԱՎԱՐԱՆՈՒՄՆԵՐԸ ԿԱՎԱՐԱՆՈՒՄՆԵՐԸ

ԶԱՆՈՒՄՆԵՐԸ ՈՒ ԿԱՎԱՐԱՆՈՒՄՆԵՐԸ

Օգտագործել ինչպիսիք է
դրամարկների ժամանակահատվածները